

15 DECEMBRIE
RUGACIUNEA
SOBORULUI SF.NOI MUCENICI
SI MARTURISITORI
AI TAVRICESKULUI

Молитва

О преблаженнии и преславнии мученицы и исповедницы Тавричестии, Церкви Христовой достойное украшение, скорыи заступницы и теплыи пред Господем предстателие и молитвенницы, землю нашу житием, подвигом и кровью освятившии, священномучениче Порфирие, архипастырю Крымский, и священнослужителие, во узах даже до смерти имя Христово исповедавшии Димитрие, Николае, Варфоломее, Тимофее, Иоанне, Владимире, Антоние, Николае, Андрее, Елеазаре и мученицы Димитрие и Стефане воззрите милостивно на ны, чтущих пресветлую память вашу. Вы бо ревнителие единства Церкви были есте и ныне нашу землю во святем православии утвердите, от расколов и шатаний оградите, врагов, ополчающихся на ны, видимых и

невидимых, низложите. Испросите
Человеколюбиваго Бога даровати нам тихое и
безмятежное житие да сподобимся молитвами
вашими получитьи оставление грехов и
достигнути Царства Небеснаго, иде же вы
непрестанно славите Всесвятую Троицу Отца и
Сына и Святаго Духа во веки веков. Аминь.